



Universitätsbibliothek Paderborn

**D. Burchardi VVormaciensis Ecclesiae Episcopi,
Decretorum Libri XX. ex Consiliis, & orthodoxoru[m]
patru[m] Decretis, tum etiam diuersaru[m] nationum
Synodis, ceu loci communes congesti, in quibus ...**

Burchardus <Wormaciensis>

Parisiis, 1549

De illis qui furtum & rapinam exercuerint. lxxv.

urn:nbn:de:hbz:466:1-10722

D. BURCHARDI EPIS. VVORMAC.

De eo pro quibus causis quemlibet hominem anathematis vinculo ligari oporteat. Cap. LXXVIII

Ex eodē,
cap. 30.

Quæsitum est in eadem synodo, pro quibus causis quemlibet hominem episcopali autoritate, vinculo anathematis ligari oporteat, atque vnanimi eorum sententia decretum est, pro his tribus criminibus fieri debere: cum ad synodum canonicè iussus venire contemnit. Aut postquam illuc venerit, sacerdotalibus rebus obedire præceptis. Aut ante finitam causæ suæ examinationem, à synodo profugus abire præsumit.

De illis qui furtum & rapinam exercuerint.
Caput LXXV.

Ex eodē,
cap. 31.

TRanquillitatem sanctæ Dei ecclesiæ inquietari, & pacem fraternam infestari testantur, fures & latrones, qui ambulant inter nos ouina pelle obumbrati, sed lupine mente recedunt alienati, sæua mente res Ecclesiarum ducti rapiunt, & gregem dominicum spoliando lacerantes, de quibus saluator in Euangelio commemorat: Qui intrat per ostium in ouile ouium, ille fur est & latro. Augustinus subiunxit: Fur non venit nisi ut fureretur, & mactet, & perdat. Vbi quamuis hæreticos qui fidem furantur Ecclesiæ designet, tamen insequutione furum & latronum, turpe tam monstrat pacem Ecclesiarum. De talibus Apostolus ad Philippenses: Videte canes, videte malos operarios. Canes vocauit, qui non habent verecundiam. Malos operarios quia nulla faciunt quæ pietati conueniant. Et dominus per prophetam Esaiam: Ego dominus diligens iudicium, & odio habens rapinam. Vnde nos quæ dominus diligit diligentes, & quæ odio habentes, statuimus & iudicamus, si quis post hæc Euangelica & apostolica atque prophetica verba, & definitionem pacatissimæ synodi, inuenta fuerit furtum aut rapinam exercere, & in ipso diabolo actu mortem meretur incurrere, nullus pro eo præsumat orare, aut eleemosynam dare. Et eleemosyna pro eo dum in memoriam clericorum nec pauperum veniat, sed execrabilis sordescat. Beatus Augustinus de talibus horribilem profert sententiam, dicens: Nemo te post mortem te fideliter redimit: quia tu te redimere noluisti. Si autem fur, vel latro, vulneratus elabatur, & expectatione mori

desperatis putatur, atque reconciliari se mysteriis sacro-
sanctis habitu corporis, & voluntate pie mentis deprecatur,
Deoque & sacerdoti vita comite emendationem, &
actam confitetur, communionis gratiam non negamus tri-
buendam.

De illis qui in patibulis suspenduntur. Cap. LXXXVI.

Quæsitum est ab aliquibus fratribus de his qui in pa-
tibus suspenduntur pro suis sceleribus, post confes-
sionem Deo peractam, vtrum cadauera illorum
ad Ecclesias deferenda sint, & oblationes pro eis offeren-
dæ, & Missæ celebrandæ, an non. Quibus respondemus: Si
omnibus de peccatis suis parum confessionem agentibus,
& dignè pœnitentibus communio in fine secundum cano-
nicum iustum danda est, cur canones eis qui pro peccatis
suis pœnam extremam persoluunt, & confitentur, vel con-
fiteri desiderant? Scriptum est enim: Non iudicat Deus
bis in id ipsum.

De episcopis qui cum excommunicatis communicauerint. Caput LXXXVII.

Decreuit sancta synodus cū consilio serenissimi prin-
cipis, si deinceps aliquis episcopus sui ministerij obli-
tus, sciens cum excommunicato communicauerit, siue in
salutatione, siue in oratione, siue in iusta confortatione,
siue in cibo, siue in potu, excommunicatus habeatur, tam
à principe, quàm à cœteris omnibus, quousque in proxima
synodo audiatur, & Deo & Ecclesiæ satisfacere cogatur.

De clericis qui fugerint ecclesias suas, & de seruis qui dominos proprios fugerint. Cap. LXXXVIII.

Sanctus Gregorius dicit: Clericum fugientem ab Eccle-
sia sua, vel seruum fugientem dominum proprium, &
nolentem reuerti, iudicamus communionem priuari, quoad-
usque ad propriam Ecclesiam, vel ad dominum suum re-
deat. Et item: Clericum fugitiuum suo episcopo vel do-
mino suo decernimus apostolica sententia restitui, vel ex-
communicari, vna cum illis qui ei communicauerint.

Finis Libri Vndecimi.

*Ex cœcil.
Moguti.
cap. 5.*

*Ex cœcil.
apud Er-
phesfurt.
cui inter-
fuit Hen-
ricus rex,
cap. 9.*

*Ex cœcil.
apud Al-
them ha-
bito cui in-
tersunt
Cōradus
rex, cap.
27.*